

wir Graue . Hug . von werdenberch<sup>2</sup> vnd frö . Anne . sin  
 Eljichū fröwe von wildenberch<sup>3</sup> geborn, kunden mit offener ver-  
 richt an disem / briefe, allen den, die in ansehent, lesent alder hōrent  
 lesen, Daz wir sulen comen für der vier lantage aeinen, Schan<sup>6</sup>,  
 Ranch- / wil<sup>7</sup>, Swarzach<sup>8</sup>, alder ze Lindowe<sup>9</sup>, swelen der  
 Bischoff von Cur, ald swer an siner stat phleger ist genimt, vmb die /  
 Burch ze Griffenstain<sup>4</sup> Bvrg vñ<sup>5</sup> liute vnd gūter, vnd mit allen  
 rechten die dar zū gehōrent, die wir versetzet hant demj / Gotshuse ze  
 Cur ze AEiñem rechten redelichem werendem phande, ze vertigende  
 dem selben Gotzhuse die vorgeantanten phender als / vor der gericht  
 aeinem daz, daz Gotshus genimt ertaeilet wirt, wie wir die vrgenanten  
 phender sulent pringen in dez Gots- / hus gewalt als recht si, vnd sulent  
 daz tūn, inwendigem disem zile, vntz vf die naechsten wichennaechten  
 die nu coment, ist / daz in dem selben zil, daz aein Bischoff, alder aein  
 phleger daz forderot, vnd ir der aeiner in daz lant cumet, vnd wer daz /  
 der aeiner in daz lant nit caeme vor den wichen naechten, so svlen wir,  
 die vertigunge vollefūren als vorgeschriben ist, wenne ir der / aeiner vn-  
 der in zwaein nach den wichennaechten cumet in daz lant, dar nach in  
 dein naechsten zwaein manoden, vnd hant dar vm- / be dem Gotshuse  
 dise gisel gesetztet die hie nach geschriben stant, den Svrien<sup>12</sup>, hern .  
 Ffriderich, von Bludems<sup>13</sup>, hern philippen Chorhern, /  
 ze Cur, hern . vñrichen von aspermont<sup>14</sup> hern . Rüdolfen .  
 von Roschach<sup>15</sup>, hern . andres vnd hern Jacob, gebrūder von  
 Marmelans<sup>16</sup>, hern Goetfrit, / von Schöwenstaein<sup>17</sup>,  
 hern haeinrichen . von Alsteten<sup>18</sup>. hern Herman, von  
 Grünenstaein<sup>19</sup> hern . Haeinrichen, von Celle,<sup>20</sup> hern  
 Hugen von Rebstaein<sup>21</sup>, hern . Lu- / dewigen, von Mont-  
 fort Ritter<sup>22</sup>, vñrichen . von valendans<sup>23</sup>, vnd Burkarden .  
 von Sygaens<sup>24</sup>, alle vnuerschaeidenlich die sint also vnser gi- / sel, vnd  
 hant daz zu den haeiligon gesworn, swen wir die vertigunge nit taeten  
 als vorgeschriben ist, swenne denne die selben gisel werndent / gemanot  
 ze huse ze hof, ald vnder ögen so sont si sich dar nach an dem achtoden  
 tage antwrten ze rechter giselschaft in offener wirt / hūser, die ob  
 Sant Lucien Staeige<sup>10</sup> gesessen sint ze Cur, in die stat / vnd  
 die vnder der selben Staeige<sup>10</sup> gesessen sint ze veltkirch<sup>11</sup> in  
 die stat / vnd sont die als lange laeisten, vntz wir die vorgeantanten ver-  
 tigunge getūgent als vorgeschriben ist, waer och daz, der vorgeantanten  
 gi- / sel aeiner sturbe ald im vnnvñtze wrde, so svlen wir im ie aeinen